

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-62-10/21

Datum: 2.09.2021. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Internacionalni univerzitet u Goraždu**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

P R E P O R U K U

1. Ministarstvu za obrazovanje, mlade, nauku, kulturu i sport Bosansko-podrinjskog kantona Goražde da izda rješenje o uslovnoj akreditaciji visokoškolskoj ustanovi **Internacionalni univerzitet u Goraždu**.
2. Ovim aktom stavlja se van snage Preporuka Agencije br. 05-33-1-62-8/21 od 24.08.2021. godine.

O b r a z l o ž e n j e

S obzirom na nove činjenice navedene u aktu Ministarstva za obrazovanje, mlade, nauku, kulturu i sport Bosansko-podrinjskog kantona Goražde br. 10-34-212-4/21 od 31.08.2021. godine, dostavljenog ovoj Agenciji dana 31.08.2021. godine i protokolisanog pod br: 05-33-1-62-9/21 i člana 14. Pravilnika o akreditaciji visokoškolskih ustanova i studijskih programa Bosansko-podrinjskog kantona Goražde ("Službene novine Bosansko-podrinjskog kantona Goražde", broj 4/20), člana 5. stav 1) Instrukcije o načinu davanja preporuke o akreditaciji visokoškolskih ustanova i studijskih programa, kao i njenom izmjenom i Odluke o normama kojima se određuju minimalni standardi u području visokog obrazovanja u Bosni i Hercegovini ("Službeni glasnik BiH", br. 100/11 i 26/19), ovim aktom stavlja se van snage Preporuka Agencije br. 05-33-1-62-8/21 od 24.08.2021. godine.

Dana 09.02.2021. godine Agencija je zaprimila od Ministarstva za obrazovanje, mlade, nauku, kulturu i sport Bosansko-podrinjskog kantona Goražde, (u daljem tekstu: Ministarstvo) Zahtjev za institucionalnu akreditaciju predmetne visokoškolske ustanove, broj:10-34-212-1/21 od

www.heg.gov.ba, e-mail:info@heg.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

02.02.2021.godine. U prilogu pomenutog Zahtjeva su dostavljeni zahtjev i dopuna zahtjeva za akreditaciju, kao i samoevaluacijski izvještaj predmetne visokoškolske ustanove u printanoj i elektronskoj formi, bez prijedloga za imenovanje članova komisije stručnjaka. S tim u vezi u pomenutom Zahtjevu je navedeno da Agencija po svom izboru imenuje članove komisije stručnjaka sa Liste stručnjaka. Reagujući na pomenuti Zahtjev, nakon uvida u dostavljenu dokumentaciju, Agencija je dana 16.02.2021.godine, dopisom broj: 05-33-1-62-2/21 od Ministarstva tražila postupanje u skladu sa Okvirnim zakonom u smislu dostavljanja prijedloga za imenovanje članova komisije stručnjaka, podsjećajući na minimalnu zastupljenost stručnjaka po kategorijama kako je to propisano Odlukom o normama kojima se određuju minimalni standardi u području visokog obrazovanja u Bosni i Hercegovini ("Službeni glasnik BiH", broj 100/11 i 26/19) (u daljem tekstu: Odluka o normama). Istim dopisom Agencije Ministarstvo je obavješteno da samoevaluacijski izvještaj visokoškolske ustanove nije izrađen u skladu sa važećim dokumentima Agencije, te je zatraženo i dostavljanje samoevaluacijskog izvještaja visokoškolske ustanove izrađenog u skladu sa Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br.96/16)(U daljem tekstu: Odluka o kriterijima).

Dana 20.04.2021.godine Ministarstvo je dostavilo novi Zahtjev za institucionalnu akreditaciju predmetne visokoškolske ustanove, broj: 10-34-212-3/21 od 13.04.2021.godine, pozivajući se na ranije dostavljeni Zahtjev kao i dopis Agencije.

Agencija je, postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016.godine, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-62-5/21 od dana 07.06.2021. godine.

Komisija stručnjaka je dana 13.08.2021.godine putem elektronske pošte Agenciji dostavila Izvještaj o eksternoj evaluaciji visokoškolske ustanove **Internacionalni univerzitet u Goraždu**, radi izdavanja preporuke o uslovnoj akreditaciji visokoškolske ustanove (odnosno pisma očekivanja) kako je to propisano u poglavlju III Odluke o normama.

Uvidom u Izvještaj, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te
- da je napisan u skladu sa Odlukom o normama i Odlukom o kriterijima.

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *djelimično ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *znatno ispunjen*

- e) Nastavno osoblje: *djelimično ispunjen*
- f) Resursi za učenje i podrška studentima: *znatno ispunjen*
- g) Upravljanje informacijama: *znatno ispunjen*
- h) Informisanje javnosti: *djelimično ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *znatno ispunjen*

Visokoškolska ustanova bi trebala po prijemu Pisma očekivanja detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, **daje preporuku nadležnoj obrazovnoj vlasti da visokoškolskoj ustanovi Internacionalni univerzitet u Goraždu izda rješenje o uslovnoj akreditaciji (odnosno pismo očekivanja), kojim se nalaže visokoškolskoj ustanovi da u periodu od jedne do najduže dvije godine implementira preporuke iz Izvještaja o eksternoj evaluaciji za one kriterije koje je Komisija stručnjaka ocijenila kao djelimično ispunjene.**

Visokoškolska ustanova je dužna do isteka navedenog roka da izradi izvještaj o implementaciji preporuka za navedene kriterije te isti dostavi Ministarstvu uz zahtjev za ponovnu posjetu Komisije stručnjaka.

Rješenje o uslovnoj akreditaciji visokoškolske ustanove Internacionalni univerzitet u Goraždu nadležno obrazovna vlast treba da dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH.

Prilog: Izvještaj o eksternoj evaluaciji visokoškolske ustanove Internacionalni univerzitet u Goraždu

Prof. dr. Enes Hašić

Dostaviti:

- Ministarstvo za obrazovanje, mlade, nauku, kulturu i sport
- Bosansko-podrinjskog kantona Goražde
- Internacionalni univerzitet u Goraždu
- Sektor 05
- a/a

